

CYNGOR SIR Y FFLINT
24 HYDREF 2017

Cofnodion cyfarfod Cyngor Sir y Fflint Cyngor Sir y Fflint a gynhaliwyd yn Siambr y Cyngor, Neuadd y Sir, Yr Wyddgrug CH7 6NA Dydd Mawrth, 24 Hydref 2017

YN BRESENNOL: **Cynghorydd Brian Lloyd (Cadeirydd)**

Cynghorwyr Paul Cunningham (Vice-Chair), Mike Allport, Bernie Attridge, Janet Axworthy, Glyn Banks, Haydn Bateman, Marion Bateman, Sean Bibby, Chris Bithell, Helen Brown, Derek Butler, Clive Carver, Bob Connah, David Cox, Jean Davies, Rob Davies, Ron Davies, Adele Davies-Cooke, Ian Dunbar, Andy Dunbobbin, Mared Eastwood, Carol Ellis, Veronica Gay, George Hardcastle, David Healey, Gladys Healey, Patrick Heesom, Cindy Hinds, Dave Hughes, Kevin Hughes, Ray Hughes, Dennis Hutchinson, Joe Johnson, Paul Johnson, Rita Johnson, Christine Jones, Tudor Jones, Richard Lloyd, Mike Lowe, Dave Mackie, Hilary McGuill, Billy Mullin, Mike Peers, Michelle Perfect, Vicky Perfect, Neville Phillips, Mike Reece, Ian Roberts, Aaron Shotton, Paul Shotton, Ralph Small, Ian Smith, Carolyn Thomas, Owen Thomas, Martin White, David Williams, David Wisinger and Arnold Woolley

YMDDIHEURIADAU: Cynghorwyr Sian Braun, Geoff Collett, Chris Dolphin, Rosetta Dolphin, David Evans, Andrew Holgate, Richard Jones, Colin Legg, Ted Palmer and Tony Sharps.

HEFYD YN BRESENNOL:

Y Prif Weithredwr, Prif Swyddog (Llywodraethu), Prif Swyddog (Newid Sefydliadol 1), Prif Swyddog (Newid Sefydliadol 2), Y Prif Swyddog (Cymuned a Menter), Prif Swyddog (Gwasanaethau Cymdeithasol), Y Prif Swyddog (Strydwedd a Chludiant), Rheolwr Cyllid Corfforaethol, a Ms Angela Bebbington i'r gweddïau.

44. COFNODION Y CYNGOR

Roedd cofnodion y cyfarfod a gynhaliwyd ar 27 Medi 2017 wedi eu cylchredeg gyda'r agenda.

PENDERFYNWYD:

Cymeradwyo'r cofnodion fel cofnod cywir.

45. DATGAN CYSYLLTIAD

Dywedodd y Swyddog Monitro y byddai cysylltiad personol yn cael ei gofnodi ar ran yr holl Aelodau yn bresennol ar gyfer eitem 11 – Adroddiad Blynyddol Drafft Panel Annibynnol Cymru ar Gydnabyddiaeth Ariannol 2018/19.

46. CYHOEDDIADAU'R CADEIRYDD

Roedd copi o Gyhoeddiadau'r Cadeirydd wedi eu rhoi i'r holl Aelodau cyn y cyfarfod.

Soniodd y Cadeirydd am y noson Gala Gwobrau Busnes Sir Y Fflint llwyddiannus a gynhaliwyd ar 20 Hydref, a diolchwyd i bawb a oedd ynghlwm am eu gwaith caled. Tynnodd sylw at y seremoni i ddathlu 25 mlynedd o weithgynhyrchu injan yng Nghymru a gynhaliwyd yn Toyota Manufacturing (UK) Limited, ar noson gyflwyno Cyfnewid Ieuencid Japaneaidd a gynhaliwyd y noson flaenorol yn Neuadd y Sir. Dywedodd bod y ddau ddigwyddiad wedi bod yn ardderchog. Daeth y Cadeirydd i gasgliad drwy ddiolch i bawb a wnaeth gyfraniad at y digwyddiad Elusennol a drefnodd.

47. DEISEBAU

Cyflwynodd y Cynghorwyr Dennis Hutchinson a Mike Peers ddeiseb ar ran preswylwyr lleol Mount Pleasant Road, Drury, Bwcle, i ddod yn system unffordd. Gwnaeth y Cynghorwyr Hutchinson a Peers sylw ar y pryderon a godwyd gan y preswylwyr yn yr ardal o ran diogelwch gyrwyr, beicwyr a cherddwyr, oherwydd y risg uchel o wrthdrawiad traffig a'r camau gweithredu a geisiwyd i fynd i'r afael â'r perygl.

48. CWESTIYNAU GAN Y CYHOEDD

Ni dderbyniwyd dim.

49. CWESTIYNAU

Ni dderbyniwyd dim.

50. RHYBUDD O GYNNIG

Ni dderbyniwyd dim.

51. ADRODDIAD BLYNYDDOL Y LLUOEDD ARFOG

Cyflwynodd y Prif Weithredwr adroddiad a oedd yr Adroddiad Blynyddol cyntaf i Gyfamod Lluoedd Arfog Cyngor Sir y Fflint. Dywedodd bod yr adroddiad yn amlinellu cynnydd ac ymrwymiad yr Awdurdod a'i bartneriaid sydd wedi llofnodi'r Cyfamod i gefnogi'r Gymuned Lluoedd Arfog. Eglurodd bod y Gwasanaeth Tân ac Achub Gogledd Cymru hefyd wedi ymuno â Chyfamod Sir y Fflint, ac wedi llofnodi'r Cyfamod yn ffurfiol mewn seremoni fer cyn y cyfarfod o'r Cyngor heddiw. Gofynnodd y Prif Weithredwr i Aelodau ystyried i ardystio cynnydd positif a wnaed i gwrdd â'r Cyfamod Lluoedd Arfog a chefnogi'r ymrwymadau am welliannau pellach a chymeradwywyd yr Adroddiad Blynyddol cyn ei gyhoeddi ar wefan y Cyngor. Gwahoddodd y Prif Weithredwr y Cynghorydd Andrew Dunbobbins i siarad ar eitem fel Cefnogwr y Lluoedd Arfog y Cyngor.

Wrth drafod yr adroddiad, cyfeiriodd y Cynghorydd Dunbobbins ar y sylwadau cadarnhaol a wnaethpwyd gan Llywodraeth Cymru ynghylch y gwaith a

gyflawnwyd yn Sir y Fflint ac yn bennaf gwaith ysgolion i gasglu data os yw unrhyw ddisgyblion neu fyfyrwyr yn blant aelodau sy'n gwasanaethu yn y Lluoedd Arfog, a'r cynnig o gyfweiliadau sicr ar i gyn-filwyr sydd yn bodloni meini prawf hanfodol o rôl y swydd.

Llongyfarchodd y Cynghorydd Clive Carver yr Awdurdod ar gynhyrchu Cyfamod Lluoedd Arfog, fodd bynnag, gan gyfeirio at feysydd i wella a nodir ym mharagraff 1.05 o'r adroddiad, teimlodd bod hepgor yr amcan "ysgolion i ddechrau casglu a yw unrhyw ddisgyblion/ myfyrwyr yn blant i aelodau sy'n gwasanaethu yn y Lluoedd Arfog" ac awgrymodd y dylid newid geiriau'r Cyfamod Sir Y Fflint i gynnwys "plant aelodau sy'n wasanaethau a chyn-filwyr o'r Lluoedd Arfog". Cydnabu'r Prif Weithredwr y pwynt a wnaeth y Cynghorydd Carver, a rhoddodd sicrwydd bod y gwaith yn berthnasol i aelodau sy'n gwasanaethu ac sydd yn gyn-filwyr, a chytunwyd i newid y geiriau i ddarparu cadarnhad.

Cyfeiriodd y Cynghorydd Tudor Jones at hyrwyddo menter nofio am ddim Llywodraeth Cymru i gyn-filwyr a phersonél lluoedd arfog a oedd ar gael mewn pedwar pwl nofio yn y Sir, a gofynnwyd a ellir gwneud y cyfleuster hwn ar gael i byllau nofio yn y Sir. Hefyd dywedodd y Cynghorydd Jones ar y gwaith a gyflawnwyd i adfer cofeb ryfel yn Ysceifiog, a gofynnodd i'r Cynghorydd Dunbobbin os allai ddarparu gwybodaeth ar unrhyw gyllid y gallai'r gymuned leol wneud cais amdano i helpu gyda'r prosiect.

Dywedodd y Cynghorydd Dunbobbin bod cyllid ar gael gan Llywodraeth Cymru tan 2018 ar gyfer y fenter nofio am ddim ac yn berthnasol i holl wasanaethau hamdden. Dywedodd y byddai'n annog sefydliadau i wneud cais am gyllid a oedd yn cael ei ddal yn ganolog gan Llywodraeth Cymru. Gan gyfeirio at y prosiect cymunedol i adfer cofeb ryfel, dywedodd y Cynghorydd Dunbobbin y gallai'r cymunedau lleol wneud cais am gyllid drwy'r Cyfamod Cymunedol Lluoedd Arfog. Eglurodd y Prif Swyddog (Newid Sefydliadol 1) sut oedd y cyllid Llywodraeth Cymru ar gyfer y fenter nofio am ddim i gyn-filwyr a phersonél y lluoedd arfog yn cael ei ledaenu ar draws pyllau nofio yn Sir y Fflint, a dywedodd bod y trefniadau cyfredol am gael eu hadolygu yn ystod y misoedd nesaf. Dywedodd hefyd y byddai Llywodraeth Cymru yn adolygu'r cyllid a darpariaeth ar gyfer nofio am ddim yn ystod y 12 mis nesaf i sicrhau bod y pobl sydd ei angen fwyaf yn cael mantais.

Gofynnodd y Cynghorydd Arnold Woolley i'r gair "to" gael ei gynnwys yn yr ail argymhelliad ar dudalen 6 yr adroddiad ar ôl y gair "prior". Mewn ymateb i'r cwestiwn gan y Cynghorydd Woolley ynghylch a oedd y Gwasanaeth Tân ac Achub Gogledd Cymru wedi llofnodi Cyfamod Sir y Fflint, cadarnhaodd y Prif Weithredwr bod personél o'r Lluoedd Arfog wedi mynychu a llofnodi'n ffurfiol y cyfamod ar ran y Gwasanaeth Tân ac Achub Gogledd Cymru mewn seremoni fer cyn cyfarfod o'r Cyngor heddiw.

Dywedodd y Cynghorydd Paul Cunningham bod cefnogaeth gyhoeddus gryf ar gyfer y Lluoedd Arfog a llongyfarchodd yr Awdurdod am y gwaith a gyflawnwyd i gefnogi Cyfamod y Lluoedd Arfog.

Gofynnodd y Cynghorydd Hillary McGuill os yw cyn-filwyr a phersonél lluoedd arfog yn cael mynediad "heb gyfyngiad" yn lle "cyfyngiad o ran amser" i weithgareddau nofio a digwyddiadau. Cydnabu'r Cynghorydd Dunbobbin yr

awgrym a dywedodd bod nifer o gynlluniau ar gael gan y Lluoedd Arfog i gynorthwyo cyn-filwyr a phersonél y Lluoedd Arfog.

Croesawodd y Cynghorydd Chris Bithell y menter i ysgolion i ddechrau casglu data os ydy unrhyw ddisgyblion neu fyfyrwyr yn blant i gyn-filwyr ac aelodau sy'n gwasanaethu yn y Lluoedd Arfog. Soniodd am ei edmygedd am lwyddiannau gan y disgyblion a myfyrwyr sydd wedi gorfod addasu i gyfnodau aml o ail-leoli drwy eu haddysg.

PENDERFYNWYD:

- (a) Bod y cynnydd cadarnhaol a wnaed mewn cyfarfod, bod y Cyfamod Lluoedd Arfog a chefnogi ymrwymïadau ar gyfer gwelliannau pellach gael eu gosod; a
- (b) Bod Adroddiad Blynyddol Cyfamod Lluoedd Arfog yn cael ei gymeradwyo

52. ADRODDIAD PERFFORMIAD BLYNYDDOL 2016/17

Cyflwynodd y Prif Weithredwr yr adroddiad i ardystio Adroddiad Gwella Blynyddol 2016/17 ar gyfer y cyfnod o 1 Ebrill 2016 tan 31 Mawrth 2017 cyn ei gyhoeddi. Dywedodd bod yr Adroddiad Perfformiad Blynyddol yn adroddiad statudol a oedd yn darparu trosolwg o berfformiad yr Awdurdod i gyflawni blaenoriaethau gwella fel yr amlinellir yn y Cynllun Gwella 2016/17. Rhoddodd y Prif Weithredwr wybodaeth gefndir a chyd-destun a dywedodd bod yr Adroddiad wedi'i fabwysiadu gan y Cyngor cyn 31 Hydref 2017.

Rhoddodd y Prif Weithredwr a'r Rheolwr Cyfathrebu a Busnes Corfforaethol gyflwyniad ar y cyd a oedd yn trafod y meysydd canlynol:

- Adroddiad Perfformiad Blynyddol
- Cynllun y Cyngor 2017-2023
- fformat a chynnwys
- trosolwg perfformiad 2016/17
- trosolwg cynnydd
- uchafbwyntiau
- meysydd i'w gwella
- trosolwg perfformiad
- Swyddfa Archwilio Cymru – golwg 2016/17
- trosolwg
- camau nesaf
- Cynllun y Cyngor

Symudodd y Cynghorydd Aaron Shotton yr argymhelliad i fabwysiadu'r Adroddiad Perfformiad Blynyddol a mynegodd ei ddiolch i'r Prif Weithredwr a'r Rheolwr Cyfathrebu a Busnes Corfforaethol am y cyflwyniad manwl a llawn gwybodaeth. Siaradodd am y cyfle i ddathlu llwyddiannau'r Awdurdod ac ymyriadau a oedd wedi gwneud gwahaniaeth "gwirioneddol" i breswylwyr a chymunedau lleol yn Sir y Fflint. Fodd bynnag, cydnabod bod hefyd feysydd lle gellir gwneud gwaith pellach i gyflawni'r canlyniadau a nodir yng Nghynllun y Cyngor.

Rhoi sylw ar lwyddiannau'r Awdurdod, tynnodd y Cynghorydd Shotton sylw at y cynnydd a gwelliannau fel y nodir yn yr adroddiad a chyflwyniad ynghylch tai, gofal cymdeithasol, sgiliau a dysgu. Hefyd siarad am waith a llwyddiant yr Awdurdod o ran datblygu'r sector menter gymdeithasol a chyfeiriodd at y digwyddiad Gwobrau Busnes Sir y Fflint diweddar a nifer o fusnesau cyfrifol cymdeithasol a oedd yn cael eu cefnogi gan yr Awdurdod, ac enwau a roddwyd ymlaen ar gyfer gwobrau yn y digwyddiad hwn. Dywedodd y Cynghorydd Shotton ei fod yn falch o weld bod Café Isa, Mynydd Isa, a oedd yn haeddiannol wedi ennill gwobr ar y noson.

Dywedodd y Cynghorydd Shotton am gyflawniad bod Sir y Fflint wedi ei dod i'r brig allan o 22 Awdurdod ar draws Cymru fel yr Awdurdod sydd wedi gwella orau rhwng 2015/16 a 2016/17, a dywedodd ei fod yn bwysig bod cyfraniad a gwaith caled gweithlu'r Awdurdod i wneud y cyflawniad yn bosibl yn cael ei gydnabod.

Mynegodd y Cynghorydd Dennis Hutchinson ei werthfawrogiad ar gyfer cyfleusterau gwell Ailgyrchu Aelwyd ym Mwcle a'r Wyddgrug. Cyfeiriodd at y nifer o dai cyngor newydd yn cael eu hadeiladu yn Sir y Fflint a dywedodd bod diffyg cyflenwad mewn rhai ardaloedd, defnyddiwyd Bwcle fel enghraifft. Anogodd yr Awdurdod i fynd i'r afael â'r sefyllfa i sicrhau bod digon o ddarpariaeth o dai cyngor yn y Sir, ac ailadroddodd ei bryderon ynghylch yr angen am fwy o dai cyngor newydd ym Mwcle. Mynegodd y Cynghorydd Hutchinson ei werthfawrogiad i'r Cynghorydd Attridge ac i'r Prif Swyddog (Newid Sefydliadol 1) am eu gwaith a chefnogaeth i fynd i'r afael â'r mater o wersylloedd anghyfreithlon ar Gomin Bwcle.

Ymatebodd y Cynghorydd Bernie Attridge i'r pryderon a fynegwyd gan y Cynghorydd Hutchinson ynghylch y galw a'r cyflenwad o dai cyngor newydd yn Sir y Fflint, a rhoddodd fanylion ar y safleoedd adeiladu newydd a chynlluniau sy'n cael eu hadeiladu neu sy'n cael eu cynnig yn y Sir. Rhoddodd sicrwydd i'r Cynghorydd Hutchinson bod yr Awdurdod yn gweithio i fynd i'r afael â'r angen am dai fforddiadwy, ac yn gadarn yn ei chwiliad a'i drafodaethau am dir addas ac sydd ar gael i gynlluniau tebyg. Dywedodd ei fod yn optimistaidd y bydd cyhoeddiad yn cael ei wneud yn y misoedd nesaf ar gynllun newydd yn ardal yr Wyddgrug.

Cydnabu'r Cynghorydd Mike Peers y cynnydd cyffredinol a wnaethpwyd yn erbyn y blaenoriaethau gwella a dywedodd yr oedd angen dathlu hyn. Fodd bynnag, roedd yn teimlo ei fod yn bwysig i gadw'r ffocws ar y mesuryddion perfformiad a oedd heb fodloni'r targed i sicrhau bod gwelliannau yn symud ymlaen. Gofynnodd i gynnwys crynodeb o fesuryddion perfformiad nad oedd wedi bodloni'r targed yn adroddiadau'r dyfodol i alluogi'r Aelodau gymharu'r perfformiad.

Mynegodd y Cynghorydd Peers bryderon ynghylch yr angen a galw am dai fforddiadwy, a themlodd o ran ceisiadau cynllunio a gyflwynwyd gan ddatblygwyr preifat, bod angen dwysedd digonol ar y safle i ysgogi'r cyfraniad tai fforddiadwy. Awgrymodd bod angen i adolygu'r polisi ac i'r Tîm Strategaeth Tai i ymgysylltu'n fwy gyda'r Adran Gynllunio i gyflawni'r canlyniadau sydd yn ofynnol am dai fforddiadwy. Mewn ymateb, rhoddodd y Prif Swyddog (Cymuned a Menter)

sicrwydd bod cydweithrediad agos rhwng y Tîm Strategaeth Tai a'r Adran Gynllunio. Eglurodd bod tystiolaeth dda o alw am dai fforddiadwy a bod y gwasanaeth yn gweithio'n galed i sicrhau bod cymysgedd priodol o unedau tai ar y datblygiad.

Dywedodd y Cynghorydd David Healey bod perfformiad chwarterl Sir y Fflint, fel yr amlinellwyd ar dudalen 63 o'r adroddiad yn gyflawniad da yn dilyn y llymder a chaledi ariannol sydd wedi digwydd yn y blynyddoedd diweddar a llongyfarchodd y swyddogion a staff am eu gwaith caled. Dywedodd y Cynghorydd Healey ei fod yn falch yn arbennig gyda'r cynnydd a wnaed i helpu preswylwyr mwyaf diamddiffyn yn Sir y Fflint o ran tai, digartrefedd, diwygiad lles, a thlodi, a canmolodd yr Awdurdod ar y gwaith yr oedd wedi'i gyflawni. Hefyd soniodd am ei werthfawrogiad a'r angen i ganmol aelodau o'r cymunedau lleol sydd wedi bod yn wirfoddolwyr am eu cefnogaeth a chynnal gwasanaethau mewn risg mewn ardaloedd lleol, a dywedodd bod y cynllun trosglwyddo ased cymunedol llwyddiannus yn Llyfrgell yr Hôb yn enghraifft.

Dywedodd y Cynghorydd Hilary McGuill bod yr amser gostyngol i gwblhau'r Grantiau Cyfleusterau i'r Anabl yn cael eu croesawu. Fodd bynnag, mynegodd bryderon ynghylch yr ôl-groniad o waith cynnal a chadw ac atgyweirio ysgol heb eu gwneud, a dywedodd ei fod yn wastraff i oedi gwaith o'r fath. Cydnabu'r Prif Weithredwr y pwyntiau a wnaethpwyd a dywedodd bod y mater o ystadau ysgol yn broblem cenedlaethol ac oherwydd argaeledd cyfalaf a buddsoddiad annigonol. Dywedodd y bydd y tan-gyllido ar gyfer atgyweiriadau yn aros yn risg oren hyd y gellir ei ragweld.

Mewn ymateb i ymholiad gan y Cynghorydd Arnold Woolley ynghylch derbyniad preswylwyr am gymorth ariannol sydd ar gael i atgyweirio tai, dywedodd y Prif Swyddog (Cymuned a Menter) nad oedd problem o ran derbyn benthyciadau grantiau cymdeithasol.

Ymatebodd y Prif Weithredwr a'r Cynghorydd Derek Butler i'r bryder a godwyd gan y Cynghorydd Woolley ynghylch Pwerdy'r Gogledd a Phartneriaeth Menter Lleol (LEP), y seilwaith, a Chynghrair Mersi a'r Dyfrdwy. Eglurodd y Prif Weithredwr y bydd cyflwyniad yn cael ei wneud yn fuan i ddarparu amlinelliad o'r cynnig Bargaen Twf Economaidd Gogledd Cymru a fyddai'n egluro'r berthynas gyda'r Cynghrair Mersi a'r Ddyfrdwy, dylanwad Sir y Fflint a chydweithrediad trawsffiniol. Rhoddodd y Cynghorydd Derek Butler ddiweddariad ar y datblygiad diweddar ar y Cynghrair Mersi a'r Ddyfrdwy a soniodd am y gweithio trawsffiniol a trawsbleidiol a oedd wedi digwydd, a rhoddodd sicrwydd bod gwaith sylweddol yn datblygu a byddai'r Bargaen Twf yn cael ei adeiladu arno.

Soniodd y Cynghorydd Neville Phillips am yr angen am dai fforddiadwy ychwanegol ym Mwcle, a hefyd y galw am ddarpariaeth gofal ychwanegol i'w hadeiladu yn yr ardal, ac awgrymodd bod y safle yn Princess Avenue ym Mwcle yn cael ei ystyried fel tir adeiladu ar gyfer cynlluniau tebyg yn y dyfodol. Cydnabu'r Prif Weithredwr y pwyntiau a wnaethpwyd gan y Cynghorydd Phillips a dywedodd ei fod yn cael ei gydnabod y byddai Bwcle yn cael y flaenoriaeth nesaf ar gyfer unrhyw gynllun yn y dyfodol, eglurodd nad oedd cynllun adnoddau ar gael ar hyn o bryd i ymestyn y ddarpariaeth ofal ychwanegol.

Siaradodd y Cynghorydd Carol Ellis am gyfraniad gwerthfawr gan Aelodau a swyddogion sydd wedi gweithio ar y cyd drwy'r Pwyllgor Trosolwg a Chraffu

Gofal, Iechyd a Chymdeithasol i gyflawni gwelliannau. Hefyd soniodd am werth gallu a'r gwahaniaeth sylweddol y gwnaeth ar alw ar wasanaethau gofal iechyd a chymdeithasol, a mynegodd ei gwerthfawrogiad am y gwaith yr Uwch-Reolwr Gwasanaethau Integredig Oedolion Arweiniol a'i thîm.

Soniodd y Cynghorydd Ian Roberts am y gwelliannau mewn sgiliau a dysgu a'r angen i longyfarch staff mewn ysgolion ar y cynnydd rhagorol a gyflawnwyd a nodwyd y gwelliannau yn y dangosyddion perfformiad yn y Cyfnod Sylfaen, a Chyfnodau Allweddol 2,3 a 4 er enghraifft. Hefyd soniodd am y gwaith a chyflawniadau o ddisgyblion sydd wedi gweithio'n galed ac wedi cyflawni cynnydd personol sylweddol ond heb gael ei adlewyrchu yn y dangosyddion. I ddod i gasgliad cytunodd y Cynghorydd Roberts gyda'r pryderon a wnaethpwyd gan y Cynghorydd McGuill ynghylch ôl-groniad o waith atgyweirio a chynnal chadw mewn ysgolion a'r angen am fuddsoddiad cyfalaf.

PENDERFYNWYD:

Bod yr Adroddiad Perfformiad Blynyddol 2016/17 yn cael ei fabwysiadu.

53. ADRODDIAD BLYNYDDOL DRAFFT 2018/19 PANEL ANNIBYNNOL CYMRU AR GYDNABYDDIAETH ARIANNOL

Cyflwynodd y Swyddog Monitro adroddiad i alluogi'r Cyngor i ystyried a rhoi sylw ar Adroddiad Blynyddol Drafft 2018/19 y Panel Annibynnol Cymru ar Gydabyddiaeth Ariannol. Rhoddodd wybodaeth gefndirol ac eglurodd mai'r Panel sydd yn nodi a phenderfynu beth ddylai'r cyfraddau talu fod i Aelodau ac aelodau cyfetholedig Awdurdodau Lleol yng Nghymru.

Dywedodd y Swyddog Monitro bod gofyn i'r Panel ystyried y sylwadau a gafwyd ar y drafft cyn cyhoeddi fersiwn terfynol o'r adroddiad ym mis Chwefror 2018. Dywedodd bod penderfyniadau'r Panel ar gyfer 2018 wedi'u hychwanegu i'r adroddiad. Dywedodd y Swyddog Monitro nad oedd y Panel yn argymhell unrhyw gynyddiadau ar unrhyw lwfansau ar gyfer 2018/19, ar wahân i'r newid o gyflog sylfaenol ar gyfer aelodau etholedig a oedd yn golygu cynnydd o £200 (1.49%).

Hefyd, dywedodd y Swyddog Monitro nad oedd cynnydd wedi'i gynnig ar gyfer cyflogau uwch, ond byddai'r deiliaid swydd yn cael cynnydd o £200 yn y cyflog sylfaen sy'n cael ei dalu i holl Aelodau. Roedd y Panel wedi cael gwared ar y dull "dwy haen" i dalu Aelodau Cabinet a Chadeiryddion Pwyllgor, gan nad oedd yr un awdurdodau lleol wedi mabwysiadu'r dull.

Cyfeiriodd y Swyddog Monitro at y nifer o swyddi cyflog uwch yr oedd Sir y Fflint yn gallu ei dalu. Rhoddodd wybodaeth gefndirol ac eglurodd y gofynnwyd i'r Cyngor ystyried a ddylid gwneud cais i'r Panel Annibynnol ar Gydabyddiaeth ar gyfer cyflog penodol neu gyflog uwch ychwanegol, sydd ddim yn disgyn o fewn y fframwaith cydnabyddiaeth gyfredol, i gydnabod rôl y Cadeirydd Pwyllgor Cronfa Bensiwn sydd yn ddi-dâl ar hyn o bryd.

PENDERFYNWYD:

- (a) Bod y cais i'r Panel Annibynnol ar Gydnabyddiaeth ar gyfer cyflog uwch ychwanegol penodol, sydd ddim yn disgyn o fewn y fframwaith cydnabyddiaeth cyfredol, i gydnabod y rôl di-dâl cyfredol Cadeirydd Pwyllgor Cronfa Bensiwn Clwyd, i'w ardystio; a
- (b) Bod y Prif Swyddog (Llywodraethu) yn cael ei awdurdodi i wneud ymateb ar ran y Cyngor, adlewyrchu'r penderfyniad a wnaethpwyd yn y cyfarfod, i'r Panel Annibynnol Cymru ar Gydnabyddiaeth Ariannol.

54. AILBENODI CYNRYCHIOLYDD CYNGOR TREF A CHYMUNED

Cyflwynodd y Swyddog Monitro adroddiad ar ailbenodi cynrychiolydd Cyngor Tref a Chymuned am dymor ychwanegol ar y Pwyllgor Safonau.

Darparodd y Swyddog Monitro gwybodaeth gefndirol a dywedodd bod y cyfnod mewn swydd ar gyfer Cynrychiolydd Tref a Chymuned wedi dod i ben yn dilyn yr etholiadau lleol ym mis Mai 2017. Cyflwynwyd adroddiad i'r Pwyllgor Blynyddol o'r Cyngor ym mis Mai 2017, a'r Pwyllgor Safonau ym mis Gorffennaf 2017 yn argymhell bod y Cynghorydd Duggan-Keen, y cynrychiolydd cyfredol, yn cael ei ailbenodi am dymor arall. Cyn ail-benodi, bydd y Cyngor angen ymgynghori â'r Cynghorau Tref a Chymuned ar y cynnig. Dywedodd y Swyddog Monitro bod ymgynghoriad wedi'i gyflawni a gan nad oedd neb yn anghytuno gyda'r cynnig, y byddai'n parhau.

PENDERFYNWYD:

- (a) Bod y Cyngor yn nodi nad yw'r un Cyngor Tref a Chymuned wedi gwrthwynebu i ailbenodi'r Cynghorydd Duggan-Keen; a
- (b) Bod y Cynghorydd Duggan-Keen yn cael ei ail-benodi am weddill tymor y cyngor.

55. PENODIADAU I GYRFF ALLANOL

Cyflwynodd y Rheolwr Gwasanaethau Democrataidd i roi gwybod i'r Cyngor am y cynnydd o ran penodi aelodau i Gyrrff Allanol cenedlaethol a rhanbarthol. Dywedodd bod y rhestr Penodiadau i'r Gyrrff Allanol wedi'i gyflwyno i'r Pwyllgor Blynyddol ym mis Mai 2017, ac yn dilyn y Cyfarfod Blynyddol, bu i'r Prif Weithredwr mewn ymgynghoriad gydag Arweinyddion Grŵp, benodi bob un ar wahân i un corff ar y rhestr sydd wedi'i atodi i'r adroddiad. Dywedodd y Rheolwr Gwasanaethau Democrataidd bod un lle gwag lle nad oedd wedi bod modd gwneud enwebiad, oedd Cymdeithas Pob Fyddar Gogledd Cymru ac felly roedd yn parhau yn le gwag ar hyn o bryd. Eglurodd y Rheolwr Gwasanaethau Democrataidd bod rhai llefydd gwag cyfredol ar y rhestr yn berthnasol i'r diweddar Gynghorydd Ron Hampson ac roedd y rhain yn berthnasol i'r Ward a byddant yn cael eu llenwi yn dilyn isetholiad Gorllewin Bwcle Bistre.

Cyfeiriodd y Cynghorydd Mike Peers i'r lle gwag ar Bwrdd Llywodraethwyr Theatr Clwyd a gofynnodd am gadarnhad bod y lle gwag yn bodoli. Cynigiodd os nad yw'r lle gwag yn bodoli, yna byddai'r Cynghorydd Kevin Hughes yn cymryd lle'r Cynghorydd Veronica Gay. Mewn ymateb, eglurodd y Prif Weithredwr bod y

Bwrdd Llywodraethwyr yn cael ei adolygu yn fewnol gan y Theatr a gan y Cabinet, a gwnaeth sylwadau ar rai o'r cynigion ynghylch aelodaeth y Bwrdd, a dywedodd bod swyddi allanol yn cael eu hysbysebu fel ffordd o benodiad cyhoeddus i agor hygyrchedd i fod yn Aelod o'r Bwrdd Theatr. Dywedodd y Prif Weithredwr, ar hyn o bryd fydd aelodaeth gyfredol y Bwrdd Llywodraethwyr, yn fewnol ac allanol, yn parhau'r un fath. Fodd bynnag, i gydnabod y cynnig gan y Cynghorydd Peers, dywedodd nad oedd yn newid y nifer neu gyfran o gynrychioliadau.

Cyfeiriodd y Cynghorydd Chris Bithell at y ddwy le gwag ar y rhestr ar gyfer SACRE, a dywedodd bod y Cynghorydd Paul Cunningham wedi gwirfoddoli i ymuno â'r aelodaeth y Pwyllgor, felly dim ond un lle gwag sydd ar y corff hwn.

PENDERFYNWYD:

- (a) Bod y rhestr gyfredol o'r Cyrff Allanol sydd wedi'i atodi fel Atodiad A, yn cael ei nodi; a
- (b) Pan fydd llefydd gwag dal heb eu llenwi, y dylid tynnu'r rhain o'r rhestr Cyrff Allanol.

56. AELODAU'R WASG A'R CYHOEDD YN Y CYFARFOD

Roedd un aelod o'r wasg a dim aelodau o'r cyhoedd yn bresennol.

(Dechreuodd y cyfarfod am 2.00 pm a daeth i ben am 3.35 pm)

.....
Cadeirydd